



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Liber dissencionum archiepiscopi Coloniensis et Capituli Paderbornensis**

**Dietrich <von Engelsheim>**

**Münster, [1893-1897]**

40. Epistola missa fratribus domini Coloniensis supplicatoria, ut dominum informet et pro ipsis interdedant, ut ab incorporatione resiliret.

[urn:nbn:de:hbz:466:1-54427](https://nbn-resolving.org/urn:nbn:de:hbz:466:1-54427)

bidden in unsem gebede, iuwer genaden in salycheit lange zyde zo sparen, uns gebedende.<sup>1)</sup> Datum ect. XXX° circa Andree.

Mit dussem vorgescrevenen breve sande dat capitel hern Otten van Twiste domheren unde hern Raven van Ripen beneficiatum to Nurenbergh. Dar wass do de koninck mit den korvorsten, dan wass do unse genedige here van Colne. So legen se dar unde vorderden wol up dreihundert gulden unde kemen hem sunder antworde; want unses heren macht unde doen dar so grot wass, dat dusse sake nicht<sup>2)</sup> wass, nademe de heren umme enicheit der kerken unde umme den cristen geloven vorgadert waren.

Den erwerdigen in Got heren Hinrich, biscopen to Munster, heren Walrame, electo to Utrecht, unde edelen Frederich, greven to Morsse, unsen genedigen leven heren otmodigen gescreven.

40. Unsen willigen deynst to allen tyden bereyt! Genedigen leven heren! Iuwe genade mogen sek wol vordenken,<sup>3)</sup> myt welker groter vroude, levede unde willen unse genedige here van Colne, iuwer genaden broder, an uns, unse kerken gekomen is unde kam in den tyden, eme des wol noet wass, do he unser ovele<sup>4)</sup> enberen mochte, unde undernam sek unser to mumbarscop to teyn jaren unde vorder sunder letten<sup>5)</sup> to synem live<sup>6)</sup> na inholt siner breve, darup van dem stole to Rome beholden<sup>7)</sup> unde vorder gegeven unde besegelt, dar wy

<sup>1)</sup> Eure Gnaden zu erhalten, um uns zu regieren. <sup>2)</sup> Nichts, von zu geringer Bedeutung. <sup>3)</sup> erinnern. <sup>4)</sup> schwerlich. <sup>5)</sup> ohne Zaudern. <sup>6)</sup> auf Lebenszeit. <sup>7)</sup> erhalten.

40.

1431

20. Januar.

en up gerne unde leffliken upnemen unde entfengen, helden, hulpen unde denden grotliken unde mangerleye, so iu mestigh wol witlik is. Nemen ok do wedderumme segele, breve, eyde, loffte, so wontlik sint to donde biscopen tor tyd, de tho unsem stiffe komen, de he uns willichliken unde gutliken gaff, besegelde unde lovede unde vorder uns do tosede trost, hulpe, beteringe, bow<sup>1)</sup> unde grote vorderinge: Des wy weinich noch vornomen haven, noch bevunden haven.

Sus hevet nu kort vorleden de ergenompte unse genedige here, iuwer genaden broder, sunder unsen willen, wetten, vulbort eff eyschen hemliken in dem hove to Rome sek to siner kerken to Colne beholden laten<sup>2)</sup> unse kerken van Paderborn, to ewigen tyden by siner kerken sunder delinge to bliven unde eyn to wesen; dat he na sinen hogen lofften, eiden, breven unde vorstrickinge nicht doen moghte, des wy ouk van unser eyde unde loffte wegen nicht liden mogen.

Hedden wol gehopet, hedde anders we eyns solken bewint<sup>3)</sup> unde gedan, he solde sin liff unde goet darumme unde entegen upgesat hebben unde dat geweret. Hirumme hebbe wy sine genade vel ersoght unde ersoken laten, de otmodigen, fleiliken unde gutliken beden, solken beholt unde, dat darto horet, afftostellen unde der nicht mer eff vorder to gebrukende, went wy, unse kerke, stiffe, undersaten, manscop unde stede darmede unde anne vornedert, entfriget, vornichtet unde vorkortet werden, unde unse alde herkomen, privileia, wonde, rechte unde namen vorlesen, sodat unse kerken vort dan stichte, here, noch biscop behelde. De sus lange were moder wesen, worde dochter, de vrigh gewesen were, worde egen! Wat mer aller herlicheit, namen unde ere

<sup>1)</sup> Ernte. <sup>2)</sup> zusprechen lassen. <sup>3)</sup> sich unterwinden, sich unterfangen.

moste wy darvan quid werden unde affstan; dat nicht to liden en is, wy nicht liden mogen, noch willen! Darvan wy dan ewigen vorderff unser kerken, unser, der unser vor ougen sen, dat wy al lever angan willen unde dulden,<sup>1)</sup> wen<sup>2)</sup> hir in willen unde vulborden. Des wy nicht ho<sup>3)</sup> en wogen,<sup>4)</sup> en hedde nicht unse here rede ynne slotte unde hulde der unser. Doch mot desses al syn seker trost unde gewaget, wess darvan komen moge, nicht daran tho scuwen<sup>5)</sup> sine grote macht unde rikedom, dat uns to swar is unde werden magh, dat wy alte<sup>6)</sup> deger<sup>7)</sup> node<sup>8)</sup> unde ungerne angaen, gerne vorhot segen. Unde hedden soken<sup>9)</sup> darumme iuwe werden genade also unse heren; meynen, neymande bilker<sup>10)</sup> hir vor syn sollen unde vronner,<sup>11)</sup> wan<sup>12)</sup> gy, so iu dat bewant<sup>13)</sup> is unde werden mot nach aller legenheit.

Dorumme, erwerdigeste, genedige, leven heren bidde wy iuwe werden genade denstliken myt allem vlite, so wy vlelikeste mogen, dat gy iuwe genade darto keren, iu otmodigen unde gutliken daran geven unde bewisen willen unde unssen genedigen hern ergonompt, iuwen broder, leffliken unde gutliken underwisen, dat he solken beholt unde sine tobehoringe affstelle unde nedersla, nicht mer sek der gebruke eff vorneme, so he bilken doet unde sculdich is to donde; wille wy gerne vordenen. Mochte wy aver iuwer hirto nicht na ergonompter maten geneten,<sup>14)</sup> were uns grundliken leyt. Worde wy dan, so wy moten unde doen denken, over sine ere, eide, breve, segele unde hoge loffte scrivende unde clagende unde des de rechten bewisinge vobrechten, dat sine

1) die Lesart ist nicht sicher. 2) als. 3) hoch. 4) wägen, anschlagen.  
5) scheuen, fürchten. 6) wohl für alto, zusehr. 7) gänzlich. 8) wider Willen. 9) ersucht. 10) passender. 11) herrschaftlich, fürstlich. 12) als.  
13) eure Familie angeht. 14) Förderung haben.

genade, gy unde andere de sine dan to herten unde unwillen nemen wolden, wilt nue betrachten, vor ougen haven unde besynnen unde dat vorhoden helpen na iuwen vormoge, also wy des eynen ganssen geloven to ju haven.

Dat wil wy myt unsen bede<sup>1)</sup> unde willigen denste umme de mergenompte iuwe genade, de Got in eren, an live unde salicheit der sele altyd grotliken bewaren mote, willentlichen gerne vordenen unde vordenen laten. Unde begeren des iuwer genedigen gunstigen antworde hirvan wedder, dar wy myt den unsen uns na richten mogen. Gescreven under unsem secret, die Fabiani et Sebastiani anno Domini ect. XXXI.

Domprovest, domdeken unde capitel to Paderborne.

Den ersamen hern, domproveste, dekene unde capitele to Monster, unsen leven heren.

Unsen vruntliken denst vorgesat, ersamen leven **41.**  
heren! Gy mogen wall vernomen hebben, wo unse ge- 1431  
nedige here van Colne darena sere steit, dat stichte<sup>31.</sup> Octbr.  
van Paderborne, to ewigen tyden to blyven, an syn  
stichte van Colne to brengen, des wy synen genaden  
nicht togelofft<sup>2)</sup> hedden. Unde wandt des also, — wy  
eme mogelik,<sup>3)</sup> also wy meynen, — nicht solde syn ge-  
scheyn, unde wy des ouch nicht tolaten, noch overgheven  
mogen na gelegenheit syner unde unser, als gy wall  
proven mogen, so syn wy dairwedder, so vele also wy  
konnen, unde helden gerne dat stichte van Paderborne  
by alsulken reichten, also wy dat vonden hebben.  
Hebben dairumme menniger oitmodeliker heden unde

<sup>1)</sup> Gebet. <sup>2)</sup> zutrauen. <sup>3)</sup> wie für ihn billig.